

斜川集二

斜川集卷之四

眉山蘇 過叔黨氏著

正月二十四日侍親游羅浮道院棲禪山寺

懷玉案坡集有正月二十四日

與兒子過賴仙芝王原秀才僧曇穎行全道士何宗一同遊羅浮道院及棲禪精舍過作詩和其韻寄邁迨一首是

爲紹聖

二年作

淡雲曉蔥蘢野水清可揭山明草木秀百里見瑣細人閒境愈靜
地暖春先逝桃李已青枝落花空覆砌涼風稍可愛習習來衣袂
赤日雖未苦炎炎逼裘毳道人疑有道羽服襟裳傲晨齋爨無煙
含糗聊卒歲空堦指華茝破屋緣薜荔拄杖挑笋蕨折柳樊蘭蕙

居夷信何陋卽此可遁世敢師浴乎沂不數山陰禊人生行樂耳
四海皆兄弟何必懷故鄉吾駕隨所稅

人薺

懷玉案紹聖二年坡在惠州有小圃五詠此首及
枸杞一首蓋是時同作而佚地黃甘菊薺三首

草木異所稟甘苦分炎涼人薺獨中和羣藥敢雁行雖微瞑眩力
頗著難老方譬之古循吏有益初無傷安神補五臟自使精魄強
羅浮仙者居靈質不自藏移根植膏壤極葉粲以長東南雖異產
遼海誰能航誓將北歸日從我涉漢湘種之睂山陰得與伯仲嘗

枸杞

春槩擷新芽秋篴得紅實霜根釀我醪色味兩奇絕老人鬢已絲

處子何由得早佩斯人言百歲真瞬息今我幸未衰妙藥况咫尺
食前得珍蔬新釀掃故疾瘴海風土惡地氣侵腰膝元鬢或偃僂
襁褓顏已黑西河安可冀北歸願如昔區區摘蒼耳麤陋非所敵

次韻叔父浴罷

懷玉案子由浴罷詩載藥城後集紹聖四年坡在安化軍有和詩此蓋同時所作

黃門昔萬機下士勤握沐今已與世疎雅志追沂浴丹田有宿火

如比陽來復轆轤自轉水離坎俱實腹謫居百事乏惟喜薪水足

時濯西風塵一寓歸鴻目勿驚髀肉少衣褐真懷玉明鏡雖無垢

新苗良待沃雨餘餐巖岫露重膏松竹更觀雲入山心與境同熟

道書如雨初晴雲入山林之語珍重耆城言妙解何須讀潔香非外求清淨常返

矚物初信可游儻來非所卜益師莊叟言養生貴緣督

次陶淵明正月五日游斜川韻

懷玉案坡和陶詩有正月五日與兒子過出游作是爲元

符元年在儋州作

歲豐田野歡客子亦少休糟牀有新注何事不出游春雲翳薄日
礚石俯清流心目兩自閒醉眠不驚鷗茅茨誰氏居雞鳴隔林邱
曳杖叩其門恐是沮溺儔但苦鴟舌談爾汝不相酬築室當爲鄰
往來無憚不澄江可寓目長嘯忘千憂儻遂北海志餘事復何求

五色雀和大人韻

懷玉案五色雀詩元符元年坡在儋州時坡詩序云海南有五色雀常以絳羽

者爲長進止必隨焉俗謂之鳳凰云从旱而見輒雨潦則反是予卜居儋耳城南嘗一至庭下今又見之進士黎子

雲及其弟威家既去吾舉酒祝曰若爲
吾來者當再集也已而果然乃爲賦詩

神雀來何從飛鳴自爲徒尊卑有定分衆色敢亂朱與公作新年

禴禴陋桃符南遷不見鵬屢集升平鳥

柳仲郢每遷官必鳥鵬然
集升平第五日乃散

自靈物豈惟眷庭梧年來翟公門寂寞誰與娛瓜田豈故侯環堵

真前儒雖知非天窮嶮阻殆切膚海南夷獠窟安得此異雛似爲

三足使仙子儻見呼定知隱凡人嗒焉非昔吾不願宴西瑤東華

返舊都

冬夜懷諸兄弟

懷玉案此
在儋耳作

霜風連日惡霜月連夜苦青燈寒無光翳翳昏復吐念我手足愛

相望若秦楚兩兄寄陽羨耕稼事農圃簞瓢有餘樂菽水未爲窶
兩兄客潁川耿耿懷去魯近聞營菟裘稍亦葺環堵有弟雖咫尺
相逢猶齟齬黃灣隔小海孤嶺度大庾今年厄陳蔡夫子嗟兕虎
惟我二兄弟頗亦嘗險阻憶昔居大梁共結慈明侶晨窗惟六人
夜榻到三鼓豈知聚散事翻手如雲雨我今處海南日與漁樵伍
黃茅蔽澗谷白霧昏庭宇風高翔鵙梟月黑號鼯鼠舟居雜蠻蜚
卉服半夷虜下牀但藥餌遣瘴煩樽俎何須爲墮時方念平生語

次韻大人與藤守游東山

懷玉案坡元符三年九月離廉州至藤州有游東山詩題云徐元用

使君與其子端常邀僕堂戲作此詩徐元用名

與小兒過同游東山浮金塢坡倅杭時爲仁和令

灘聲已悲秋澗色猶藏春駕言東山游緬彼千載人使君平陽意
客至但飲醇風松作鼓吹迎送長江濱爾來乘桴翁歸路物色新
高情寓箕顙絕意登麒麟三吳有負郭穰稔秋盈囷瘴茅喜欲脫
下澤還當巾縹緲九疑行此生定知津故人儻見思尺書憑素鱗

將至五半先寄伯達仲豫二兄

懷玉案此元符三年侍坡離
廉過藤梧將至廣州時作坡

亦用韻以寄邁迨時邁與家屬住惠州迨在常州坡詩
云大兒牧衆穉四歲守孤嶠次子病學醫三折乃初曉

人皆有離別我別不忍道惟應付夢幻事已共一笑憶昔與仲別
秦淮匯秋潦相望一葉舟目斷飛鴻杳伯兄陽羨來萬里踰煙嶠
未溫白鶴席已餞羅浮曉江邊空忍淚我亦肝腸繞崎嶇七年中

雲海同浩渺豈知羌村晚驚拜杜陵老干戈雖事異歡喜動夷獠
山川舊悽慘雲物今清好不似元都桃秋風不堪掃

送張倅彥政赴闕

信馬來并州并州在何許太行如登天憔悴欲誰語青衫百僚底
屏氣不敢吐謂當哭途窮何但折腰肯忽逢元紫芝仰視得睂宇
敢論通家舊竊欲比文舉

先君與叔父嘗得交於公
之王父蓋有一日之雅

使君况不凡

高論傾肺腑能容丞掾醉不問車茵污念我邱壑人老矣事簪組
端如赴繯囚坐受獄吏侮感公懷抱開一笑忘羈旅雖知抱關惡
未忍賦歸去相從僅滿歲公已歌欬杜秋風忽零亂吹盡西山雨

定應催行色不遣車輪阻天街早飛鞚鷓鴣看接武青雲豈難到
少展垂天羽區區亦自憐從此歸農圃

郡守禱雨獲應

秋陽六十日閔閔歲可懼原田龜坼塊城市塵沒屢誰歟悲若人
活彼於且暮精禋發仁惻誠意輒上訴神山闕靈湫水旱天所付
潛虬嬾廢職暴虎往門怒抑無東海寬又豈桑羊蠹天心自響答
民語酌道路嗟予生理拙飢飽共農圃披衣夜不眠聽此簷閒語
沉疴忽去體黃壤流膏乳少寬縣令責盡復南畝故呼兒酌我酒
欲寫無佳句聊同千里謠非公誰與哺

再和

吾君如湯仁常爲無災懼一夫恐不獲貧賈悲輯屨二斗東南憂
詔書走晨暮陳陳發國廩粒食不待訴知公經綸手故以民社付
汪然叔度陂不見偉節怒德星所臨次民瘼消朽蠹祝祠往無愧
飛雨來半路耕犁及二麥浸灌休老圃何人執筆書爲瑞非虛語
應言潁川鳳未要貓相乳益欣獄訟少三尺略細故丞掾從歌呼
謳謠入章句謝公未賦歸赤子猶待哺

題劉均國所藏燕公山水圖

江湖半此生老去徒見畫看山眼已足涉險夢猶怕老燕久黃壤

遺墨獨未化胸中有邱壑故遣意匠寫會逢知音人契此筆端話
故山當早歸誰是知津者

顏樂堂

恨無阿堵君一區今尙欠且謀蔽風雨拔草聊自苦低深人易安
儉陋鬼不瞰寧辭力少勞還視家無餽從來生理拙况此歲屢歉
故將簞瓢心聊作梁肉砭堂前有甘井汲取良未厭堂後有藥苗
一飽亦可甞胡爲不歡樂何事貧憂諂作詩置座右勿使斯言玷

與范箕叟避暑西湖

快哉楚王風庶人安得共西陵浩無價不計吾儕用永日不可暮

窮居厭塵闕出門有佳詣咫尺窺潭洞危樓俯木杪大厦森高棟
戶牖交梧楸蒲荷接蘋葑間持枕簟往遽起江湖夢醒然涼肺肝
習習吹衣動世閒賤易得清風誰與重勞生不自覺至樂那容衆
北窗與君享世網念少縱肉食固肥甘輕塵沒飛甍

陪郡守遊西湖泛舟曲水分韻得會字

謝公志東山杖屨未冠蓋興成江湖遊意落軒冕外陰陰聳夏木
瀏瀏鳴溪瀨拏舟破菰荷尋徑穿蕭艾新亭水心見倒影飛虹背
青山忽入坐境與人意會公詩如干將游刃天宇大西湖真小鮮
殊未供刀鱸雲煙日相劇媚嫵分晴靄妙語瀉瓊瑰化工應有待

同趙伯充遊曲水趙氏莊分韻得抱字

三春失行樂風雨與病惱忽驚節物改樹密鶯聲老濫陪閒中客
載酒尋芳草東郊縱所適蒼莽事幽討誰歟有隱居谿谷相鬱繚
疎籬映修竹叩門許徑造主人雖鋤耰好客自灑掃結茅_{飲二年}
種木今合抱飄然佳公子忽弄松風操絲桐豈能爾妙意超物表
歸途踐危橋月上千林編茲游非人寰俗耳不可道

和叔父移居東齋

懷玉集題
題曰茸東齋
續詩載樂城後集
三月十八日

去鄉三十年夢寐猶西土阨窮未能歸諒亦君子固結廬箕穎閒
絕意爲霖雨聊清一室地僅作跣趺處邇來又謝客不待羹輓釜

西齋舊翳密日晏窗先暮東軒得爽塏真作禪侶住

公舊自謂陶東軒長老

潛採菊時尙復有真趣公今觀此心湛然忘客主坐了一大緣固

已遺能所

次韻岑彥高史強本春日書懷二首

二豪以詩鳴優劣孰敢分縱橫閱萬卷何憂備三鄰終年發揣摩
秀口吐陽春誰云不苗畬安取三百困汝穎素多奇世不乏孫陳

避家諱故作孫著書效潛夫秦賦嗤陵雲哀時無祁奚丹書誰爲焚償令

試一割晉盜當奔秦德業閤不耀天欲昌其身定交乃余求不貴

白髮新從此杖屨數爲子掃榻塵高談看疊疊揮塵落紛紛

逝水不可復百年行中分自嗟齒
髮故晚境桑榆鄰節物謾消長
枯荄不知春軒裳歎雞肋雀鼠盜
廩園學藝晚愈拙彈冠力難陳
澹然忘出處任此無心雲世路羊
腸險恐遭象齒焚何如老山澤
樵悴非逃秦嵩少幸咫尺雲泉許
容身平生餘嗜好舍舊當謀新
安心本無法妙理契樛櫨優哉真
卒歲豈復悅華紛

寄題撫松堂

胸中朝市遠何必擇所居門無結駟客山林入吾廬西洛有君子
築室城之隅種松在庭戶志與淵明俱朝挹西山爽莫尋南澗娛
霜中鶴骨瘦雨夜龍髯疎主人應相似節抱陵雲孤不知寒暑遷

冒徇世俗趨昔稱水南北去曳侯門裾能伴松菊老固知涇渭殊
我恨營口腹斂板慙妻孥三逕未能歸高卧子不如青山滿塵土
何時返樵漁未用北山移我來只須臾

寄題北海文舉堂

巨君竊漢璽如取鴻毛輕孟德老且死不見姦業成乃知朝無人
誰憚百公卿一夫能仗節介然屹長城忠義國所託安危與之并
吾於文舉見坐折姦邪萌誰能搏猛虎乃用尺筆嬰義氣橫宇宙
不煩尺寸兵悲哉天所壞一木難扶傾梟鸞不兩立夫子安得生
中原竟分裂三姓鼎足爭當知千載後高名獨崢嶸使君定不凡